

**ՆՅՈՒԹԵՐ ՎԱՂԱՐՇԱՊԱՏԻ ՀՅՈՒՄԻՍ-ԱՐԵՎԵԼՅԱՆ
ԴԱՄԲԱՐԱՆԱԴԱՇՏԻՑ**

Ժ. Դ. ԽԱՉԱՏՐՅԱՆ, Ռ. Մ. ՔՈՐՈՍՅԱՆ

1974 թ. ամռանը Երևան—Էջմիածին ճանապարհի ձախ կողմում, Զվարթ-
նոցի պետական տնտեսության գոմերի մոտ, ջրի խողովակի համար խրամուղի
փորելիս, մակերեսից 80—110 սմ խորության վրա հայտնաբերվել են դամ-
բարաններ, որոնք անզգուշության հետևանքով ավերվել էին:

Տեղում ուսումնասիրությունները պարզեցին, որ այստեղ եղել են երեք
տեսակի թաղումներ՝ սալարկղային, կարասային և կավե դազաղ-սարկոֆագ-
ներով, որոնք պատկանում են Վաղարշապատ քաղաքի հյուսիս-արևելյան աֆո-
դամբարանադաշտին, ուր 1920-ական թվականների վերջերին և 1930-ական
թվականների սկզբներին պեղվել են I—IV դդ. պատկանող հինգ տիպի թաղում-
ներ¹:

Մնացորդներից երևում է, որ սալարկղային դամբարանները պատրաստ-
ված են եղել տուֆե տարբեր չափերի սալերից, կարասային թաղումները
(բարձր. մոտ 1 մ) նման են Արտաշատում և Գառնիում հանդիպող մ. թ.
I—III դդ. սուր նստուկով կարասներին: Կավե դազաղների մասերը դեռևս
գտնվում էին տեղում և ունեին տարբեր ուղղություններ:

Բոլոր դազաղները ծածկված էին երեք կավե տախտակներով, որոնց վրա
լցված էր 5—15 սմ հաստությամբ ավազախառը հող, իսկ վրայից դրված էր
5—10 սմ հաստությամբ տուֆե սալեր (տախտ. I_{1,2}, III_{1,2}):

Կավե դազաղներից առաջինի ուղղությունը արևելքից արևմուտք էր, քիչ
շեղումով դեպի հարավ-արևելք, հյուսիս-արևմուտք (երկար. 192 սմ, խոր.
27 սմ, լայն. գլխի կողմում 52 սմ, ոտքերի մասում 32 սմ): Դազաղի դեպի
դուրս լայնացող պսակը եզրին ունի մատով արված, ատամնաձև զարդ: Դամ-
բարանում գտնվել են նաև փորագիր զարդերով մի ափսե, ապակե թելերով
զարդարված միկանթանի շորս սրվակ և մի սրաքար²:

Կավե դազաղներից երկրորդի ուղղությունը արևելքից արևմուտք էր (երկար.
160 սմ, խոր. 29 սմ, լայն. գլխի մասում 45 սմ, ոտքերի մոտ 30 սմ): Ի տար-
բերություն նախորդի, սա յանի աստիճանաբար լայնացող կլորավուն պսակ,
իսկ կավե տախտակների վրա զծված են հավասարաթև խաչեր (տախտ. I₁,
III₁): Դազաղի ծածկի կավե և տուֆե սալերի միջև, հողի լիցքում, հայտնա-
բերվեցին ապակյա ութանկյուն երկու շիշ, քիչ ուռուցիկ, տանձաձև իրանով
մի սրվակ, անկանթ և երկկանթանի, ուռուցիկ իրանով երկու փոքրիկ
սրվակ, ձգված իրանով, ապակե թելեր պարտրաձև փաթաթված միկան-

¹ Ք ո Ր Վ Մ Յ Ա Ն, Նյութեր հայկական ճարտարապետության պատմության, հ. 2,
Երևան, 1948, էջ 269—276, Ա. Ք ա լ ա ն թ ա Ր, Վաղարշապատի պեղումները, Երևան, 1935,
էջ 16—18, 36—63:

² Նյութերի մի մասը նախքան մեր այցելությունը տարվել էր Էջմիածնի դավառագիտական
թանգարան:

թանի սափորիկ, ոլորած պոչով բրոնզե մի թիակ, կավե ճարմանդ, օվալաձև տափակ վահանով բրոնզե մատանի⁸:

Դագաղներից երրորդը նման է երկրորդին, որի ուղղությունը հյուսիսից հարավ էր, քիչ շեղումով դեպի հյուսիս-արևելք, հարավ-արևմուտք (երկար. 164 սմ, լայն. գլխի մասում 53 սմ, ոտքերի մոտ 42 սմ, բարձր. 30 սմ):

Այսպիսով, կավե դագաղները նույնն են, ինչ որ նախկինում պեղվածները, ուստի պետք է ենթադրել, որ հանքուցյալները թաղված են եղել մեջքի վրա:

Կարասային թաղումները նորություն չեն Հայաստանի համար, դրանք գալիս են դեռևս ուրարտական շրջանից: Ուրարտական և վաղ հայկական կարասային թաղումները հայտնաբերվել են Արդիշտիխինիլում⁹: Սակայն կարասային թաղումները լայն տարածում են ստանում հելլենիստական շրջանում: Իսկ մ. թ. առաջին դարերում դառնում են մասսայական: Այդ են վկայում Արտաշատի, Գառնիի, Վաղարշապատի և Հայաստանի մյուս հնավայրերի պեղումները:

Վերջին տարիներին պեղումները նոր նյութեր տրամադրեցին նաև կավե սարկոֆագների վերաբերյալ: Հայաստանում ամենահին կավե սարկոֆագները վերագրվում են ուրարտական և հելլենիստական շրջաններին, սրանք իրենց ծավալով, չափերով ու ձևերով տարբերվում են վերոհիշյալ կավե դագաղներից: Ուրարտական շրջանի կավե սարկոֆագ հայտնաբերվել է Օշականում¹⁰, իսկ հելլենիստական՝ Սիսիանի¹¹ իշխանական դամբարանից:

Վաղարշապատի և Արտաշատի պեղումները վկայում են, որ կավե սարկոֆագները տարածում են ստանում սկսած մ. թ. III դ.: Վաղարշապատում հայտնաբերվել են երկու տեսակ կավե սարկոֆագներ, որոնցից առաջինը վերոհիշյալ կավե դագաղներն են: Արանք ծածկի կավե տախտակների վրա երբեմն ունենում են մատով արված ակոսավոր նշաններ (չ, +): Այսօրինակ կավե դագաղներ հայտնաբերվել են Արտաշատում (երկար. 150—200 սմ), որոնք նույնպես չունեն հաստատուն ուղղություն, Սևանի ավազանի լեռնակերտ գյուղում¹² (III դ. երկրորդ կես և IV դ.):

Մյուս տեսակը, մասամբ գլանաձև, կիսակոշկանման, ոտքերի կողմում լայն անցքերով սարկոֆագներն են¹³:

Հայաստանի կավե սարկոֆագները աղերսվում են Միջագետքի¹⁴ նույնա-

⁸ Նյութերը հայտնաբերվել է Ռ. Թորոսյանը՝ երկրորդ սարկոֆագը էջմիածնի թանգարան տեղափոխելու ժամանակ:

⁹ A. A. Мартиросян, Аргиштихинили (Археологические памятники Армении, 8. Урартские памятники, вып. 1, Ереван, 1974, стр. 51, 55).

¹⁰ Հայտնաբերվել են Ա. Ա. Քալանթարյանի և Ս. Ա. Եսայանի կատարած պեղումներից:

¹¹ Ժ. Դ. Խաչատրյան, Գիակիզումը Հայաստանում (մ. թ. ա. II—մ. թ. III դդ.) (ՀՍՍՀ ԳԱ «Լրաբեր», 1975, № 2, էջ 57, 58):

¹² Ժ. Դ. Խաչատրյան, Ա. Ա. Քալանթարյան, Մարտունու և Վարդենիսի շրջանների անտիկ և միջնադարյան հուշարձանները (ՀՍՍՀ ԳԱ «Լրաբեր», 1972, № 1, էջ 60):

¹³ Ա. Շ. Քալանթար, Նշվ. աշխ., էջ 40, նկ. 13 դ. դ:

¹⁴ E. F. Schmidt, Persepolis, vol. II, Chicago, 1947, տախ. 86—88; R. Ghirshman, Lea fouilles de Suse 1946—1951, „Revue des arts“, 1951, III, էջ 188; David and Joan Oates, Nimrud 1957: The Hellenistic settlement, Iraq, vol. XX, p. 2, 1958, pl. XXVII; Andrae W. und Lenzen H., Die Partherstadt Assur, Leipzig, 1933, Taf. 43, d, h, 45, a-f, 47, h, i; N. P. Töll, The Necropolis, The Excavations at Dura-Euro-



5410 f

նման սարկոֆագների հետ: Կավե սարկոֆագներ հայտնաբերվել են Միջին Ասիայում¹⁰ (Դավվերգին-Քեփե), Վրաստանում¹¹, Ադրբեջանի տարբեր վայրերում, բայց ամենից շատ՝ Աղվանքում: Դրանք օվալաձև են, ոչ մեծ չափերի (57—110 սմ) և պատկանում են մ. թ. ա. առաջին հազարամյակի վերջին քառորդին ու մ. թ. առաջին հազարամյակի առաջին կեսին¹²:

Անդրկովկասից հյուսիս կավե սարկոֆագներ մեզ հայտնի չեն:

Այսպիսով, կավե սարկոֆագները, ի տարբերություն կարասային թաղումների, տարածման ավելի նեղ շրջանակներ ունեն և հիմնականում բնդորկում են Կրետե կղզին (մ. թ. ա. 1800 թ.), Միջագետքը (ուր դրանք պահպանվել են դեռևս մ. թ. ա. 2300 թ.)¹³ և նրան հարող շրջանները: Ինչպես իրավացիորեն նկատել է Աշխ. Քալանթարը, կոշկաձև սարկոֆագները Հայաստան են անցել Միջագետքից¹⁴:

Ուղղահայաց պատերով սարկոֆագները Հայաստան և ընդհանրապես Անդրկովկաս են թափանցել նույնպես Միջագետքից, ուրարտացիների միջոցով, քանի որ դրանք լայնորեն տարածված էին Միջագետքում և նրան հարող շրջաններում: Կավե սարկոֆագներ արտադրող արհեստանոցներ կարող էին լինել միայն խոշոր քաղաքներում և քաղաքատիպ ավաններում, որտեղ դրանց համար վաճառահանման շուկա կար: Այդ տեսակետից վաղարշապատը և Արտաշատը միանգամայն հարմար էին, և այդ քաղաքներում, հավանաբար, եղել է կավե սարկոֆագների արտադրություն: Այդ են վկայում նաև վաղարշապատի կավե դագաղների ծածկի սալերի վրայի նշանները, որոնք, ամենայն հավանականությամբ, արտադրող արհեստանոցի¹⁵ նշաններն են:

pos. Preliminary Report of the Ninth season of work 1935—1936, New Haven, London, էջ 93 և հտ., նկ. 3—5, տախ. XXVII—XXVIII; L. Watermann, Second Preliminary Report upon the Excavations at Tel Umar, Iraq, Ann Arbor, 1933, էջ 48, տախ. XVI₂.

¹⁰ Г. А. Пугаченкова, Новое в изучении Дальверзин-Тепэ («Советская археология» (այսուհետև՝ СА), 1971, № 4, стр. 201, рис. 14).






¹¹ Н. В. Хоштария, Археологические исследования Уреки («Материалы по археологии Грузии и Кавказа» (այսուհետև՝ МАГК). 1, Тбилиси, 1955; С. Макалattia, Археологические находки сел. Даблагоми и Агаияни (СА, V, 1949, стр. 269 и сл.); Л. А. Чиаццели, Городище Урбиси, Тбилиси, 1964, табл. XIX.

¹² Ф. Л. Османов, Глиняные саркофаги, найденные на территории Азербайджана («Материальная культура Азербайджана» (այսուհետև՝ МКА), VII, Баку, 1973, стр. 245—249); С. М. Казиев, Историко-археологическое обследование городища Кабалы, МКА, V, Баку, 1964, стр. 47; Иггар Алиев, Ф. Л. Османов, Бассейн рек Геокчай—Гирдманчай—Ахсучай в античное время (СА, 1975, № 1, стр. 194, рис. 6).

¹³ Г. Чайлд, Прогресс и археология, М., 1949, стр. 147.

¹⁴ Աշխ. Քալանթար, Նշվ. աշխ., էջ 51 և հտ.:

¹⁵ Ք. Ա. Տիրացյանը 1975 թ. հայ արվեստի և ճարտարագիտության պրոբլեմներին նվիրված հանրապետական առաջին գիտական կոնֆերանսում կարգացած «Հին Վաղարշապատի քաղաքաշինական կառուցվածքի և տեղադրության հարցի շուրջը» (Քեղեր, Երևան, 1975, էջ 18—19, 42—44) դեկլացման մեջ այն կարծիքն հայտնեց, որ երկրորդ դագաղը վաղ քրիստոնեական շրջանի է, որովհետև ծածկի կավե տախտակի վրա խաչաձև նշան կա: Մեր կարծիքով, գտ թիչ հավանական է, որովհետև ա) այդ դեպքում ինչպես բացատրել նախկինում հայտնաբերված կավե դագաղների տախտակի վրայի նույն եղանակով արված (և նշանները, բ) եթե հարազատները ցանկացել են շեշտել հանգուցյալի քրիստոնյա լինելը, ապա ինչու են նրա հետ դրել ապակե սրվակներ և այլ իրեր՝ հեթանոսական սովորության համաձայն, գ) քրիստոնեական գերեզմաններն ունեն խստորեն պահպանվող որոշակի ուղղություն՝ դեմքով դեպի արևելք, կավե դագաղները որոշակի ուղղություն չունեն, իսկ երկրորդ դագաղի ուղղությունը հակառակ է:



sun. II

Կավե սարկոֆագները չի կարելի կապել որոշակի էթնիկ խմբերի և կրոնական հավատալիքների հետ: Դրանք առաջացել են քարազուրկ շրջաններում, նպատակահարմարությունից ելնելով, Հայաստանում կավե սարկոֆագներ, հանդիպում են թաղման մյուս ձևերի հետ միասին և դրանց ուղեկցող նյութերը ոչնչով չեն տարբերվում սալարկղային, հիմնահողային կամ կարասային թաղումներում հանդիպող նյութերից:

Վաղարշապատի դամբարանադաշտից գտնված միակ խեցեղեն անոթը միկանթանի, նեղ բերանով գավաթն է (տախտ. 17), Դժբախտաբար, հայտնի չէ, թե սա որ դամբարանից է հայտնաբերվել: Այն պատրաստված է բաց դարչնագույն, մանրահատիկ կավից, իրանը տանձաձև է և ավարտվում է շեփորաձև վզով, իրանի ուռուցիկ մասում ունի թմբիկներից կազմված երեք շարք դուռի, որն արված է նախքան թրծելը, ներսից փայտիկով ճնշելու միջոցով: Մեկ և երկու կանթով նման անոթներ այս տարածքից հայտնաբերվել են նաև անցյալում¹⁶, Այդպիսիք գտնվել են՝ Գառնիի № 14 և № 72 դամբարաններից, որոնցից առաջինը պատկանում է մ. թ. I—II դդ.¹⁷, երկրորդը՝ II—III դդ., Թալինի շրջանի Աշնակ գյուղի II դ. դամբարանից¹⁸ և այլ վայրերից¹⁹, Ձևով և զարդանախշերով հար և նման երկկանթանի կճուճներ մեծ քանակությամբ հայտնաբերվել են նաև Վրաստանում՝ Մցխեթում²⁰, Սամթավրոյում²¹, Տետրիցկարոյի շրջանում²², Հարավային Օսեթիայում²³, որոնք վերաբերում են մ. թ. I—III դդ.: Այդ ձևերը և դարդերը խորթ չեն նաև Մինգեչաուրում և Սովետական Ադրբեջանի մյուս հնավայրերում հայտնաբերված առաջին դարերի խեցեղենի համար²⁴:

Վաղարշապատի դամբարանադաշտից գտնված կավե գավաթի պատրաստման ժամանակը որոշելու համար շատ կարևոր են Արտաշատի պեղումները, որը շերտագրական հստակ պատկեր ունի: Սակայն գավաթի այդ ձևը Արտաշատում տարածված չի եղել, քանի որ առ այսօր որևէ այլ օրինակ չի հայտնաբերվել, Այդ տեխնիկայով մեծ վարպետությամբ պատրաստված միակ անոթը մի քրեղան է, որը գտնվել է II—III դդ. խեցեղենի հետ միասին:

¹⁶ Պատմության Պետական թանգարան (այսուհետև՝ ՊՊԹ), № 766/100.

¹⁷ Б. Н. Аракелян, Гарни, I, Результаты раскопок 1949—1950, Ереван, 1951, стр. 47, рис. 37; Гарни, II, Результаты раскопок 1951—1955 гг. (античный период), Ереван, 1957, табл. IX; Г. А. Тирацян, Опыт периодизации истории материальной культуры древней Армении (VI в. до н. э.—III в. н. э.) (ՀՄՄՀ ԳԱ «Տեղեկագիր», (հաս. գիտ.), 1957, № 2, стр. 36).

¹⁸ Р. В. Қинжалов, Ашнакский могильник («Труды Гос. Эрмитажа», т. V, Л., 1961, стр. 5 (Кз—6263), стр. 56, 58).

¹⁹ ՊՊԹ, № 186, 1384.


²⁰ О. Лордкипанидзе, Ремесленное производство и торговля в Мцхета в I—III вв. н. э. («Труды Тбилисского Гос. университета», т. 65, Тбилиси, 1957, рис. 1); А. М. Апакидзе, Г. Ф. Гобеджигшвили, А. Н. Каландадзе, Г. А. Ломтатидзе, Мцхета, I, Тбилиси, 1958, стр. 151, табл. СІХ, 2.

²¹ Г. А. Ломтатидзе, Археологические раскопки в Мцхета, Тбилиси, 1955, стр. 64.

²² К. Д. Қвижинидзе, Памятники античного периода Тетришкароевского района (МАГК, V, Тбилиси, 1973, табл. 1, 5).


²³ Б. В. Техов, Очерки древней истории и археологии Юго-Осетии, Тбилиси, 1971, рис. 99.

²⁴ С. М. Казиев, Альбом кувшинных погребений, Баку, 1960, табл. VI, 3, 6, 8, X, 7, XVIII.





0 15

1




0 10

2




0 1

7




0 1

d



0 1


9



0 1

4

III. 11. 5




0 1

3



0 1

5



0 1

6



0 1

10

ինչպես տեսնում ենք, վերոհիշյալ ձևը տարածված է եղել միայն Անդր-կովկասում: Ուստի, մեր կարծիքով, այն անդրկովկասյան տիպ է և III դ. շուտ հանդես գալ չէր կարող: Հիշյալ զարդաձևը Հայաստանի և Անդրկովկասի խեցեգործության ու ապակեգործության մեջ կիրառվում է սկսած II դ.-ի Հե-տևաբար, ամենայն հավանականությամբ, ինչպես Վաղարշապատի, այնպես էլ մյուս հնավայրերի այդօրինակ անոթները կարող են պատկանել II—III դդ.:

Երկրորդ սարկոֆագից պտնվել է սպիտակ քարե մի ճարմանդ (տախտ. III₇): Քարե և ապակե ճարմանդները Հայաստանում գալիս են հելլենիստական շրջանից և հարատևում են մինչև միջին դարերը: Այդպիսի ճարմանդներ շատ են հայտնաբերվել Գառնիի, Արտաշատի և այլ վայրերի անտիկ շրջանի դամբարաններից: Վաղարշապատի № 1 դամբարանից գտնված մարմարա-տիպ կարծր քարից պատրաստված սրաքարը օգտագործելուց բավական մաշ-վել է (տախտ. II₉): Արտաշատի և Գառնիի անտիկ դամբարաններում սրա-քարերը հաճախակի հանդիպող նյութերից են: Ուշագրության արժանի է նաև բրոնզե, քառակյուն ոլորած պղնձ թիակը, որն օգտագործվել է սրվակներից օժանելիքներ հանելու և բժշկության մեջ դեղեր սարքելու համար (տախտ. III₁₀): Այն Գառնիի և Արտաշատի հելլենիստական շրջանի թիակներից տար-բերվում է իր բերանի քիչ ակոսավոր ձևով: Թիակները ևս անտիկ աշխարհի տարածված իրերից են:

Դամբարաններում առավել շատ հանդիպող նյութերից են ապակյա անոթ-ները: Հետաքրքրական է № 1 սարկոֆագից գտնված փոքր ափսեն: Այն պատ-րաստված է կաթնավուն, խամրած, հաստ ապակուց, ունի օղակաձև ոտք, իսկ վերին մասը թերի է: Ափսեի մակերեսին, դրսից, փորագրելու և հղկելու եղա-նակով պատկերված են գծեր, շրջաններ, օվալաձև զարդեր, բրնձաձև ակոս-ներից կազմված գոտի և սուր, նեղ ակոսներից կազմված իրար հատող փնջեր: Դժբախտաբար, դժվար է վերականգնել ափսեի սմբողջական պատկերը, սա-կայն պահպանված մասերը ցույց են տալիս, որ այն ունեցել է շատ հարուստ տեսք (տախտ. II_{3,5,6,7}):

Սառը մշակմամբ՝ հղկելու և փորագրելու եղանակով, հարդարված անոթ-ներ հայտնաբերվել են Հայաստանի տարբեր հնավայրերից՝ Դվինից, Գառնիից, Հաջավանից, սակայն Վաղարշապատի ափսեի զարդերն ավելի մոտ են Գառ-նիի օրինակներին²⁵: Տարբեր դիրքերով արված շրջանաձև և օվալաձև զարդեր կան նաև Գառնիի գրաֆիկի մակերեսին, սակայն այստեղ ուշագրավն այն է, որ ափսեի խամրած ապակին նման է գրաֆիկի ապակուն:

Հղկված ապակու հարցը անտիկ աշխարհի ապակեգործության վիճելի խնդիրներից է: Նրա ծագման ու տարածման²⁶ շուրջ նույնպես տարակարծու-

²⁵ «Гарни», II, рис. 37, А. ն. Առաքելյան, Գ. Ա. Տիրացյան, Ժ. Գ. Խա-չատրյան, Հին Հայաստանի ապակին (I—IV դդ.), Հայաստանի հնագիտական հուշար-ձանները, № 3, Հին դարաշրջանի հուշարձաններ, պրակ 1, Երևան, 1969, №№ 72, 76, 77, 78, 151:

²⁶ Ch. W. Clairmont, The Glass vessels, The Excavations at Dura-Europos. Final Report IV, pl. V, New Haven, 1963, էջ 56 և հտ., տախտ. III—IX; P. Hamelin, Cahiers de Byrsa. II, 1952; R. W. Smith, Glass from the Ancient World, New York, 1957, էջ 110 և հտ.; D. B. Harden, Roman Glass from Karanis, Ann Arbor, 1936, էջ 101—103, №№ 311—323; Н. П. Сорокина, Стекло из раскопок Пантикапея, 1945—1959 гг. («Материалы и исследования по археологии СССР» (այսուհետև՝ МИА), № 103, М., 1962, стр. 232).

Յյուններ կան, որովհետև այդօրինակ ապակի արևմուտքում ավելի շատ է հայտնաբերվել, քան Արևելքում: Սակայն փորագիր ապակու գյուտերը Դուրա-էվրոպոսում (50 կտոր) և Բեզրամում հարցին նոր մոտեցման հնարավորություն ընձեռեցին: Բեզրամի և Դուրա-էվրոպոսի ապակին լրացնում են մեկը մյուսին, որովհետև Բեզրամում այն գտնվել է թագավորական պալատի սրբատեղիում և աչքի է ընկնում շքեղությամբ, ձևերի բազմազանությամբ ու զարդերի հարստությամբ, իսկ Դուրա-էվրոպոսինը գտնվել է մասնավոր տներում, սովորական վայրերում, այդ պատճառով էլ հասարակ է ու համեստ:

Փորագիր ապակու հայրենիքը Ալեքսանդրիան է, տրտեղից այն տարածվել է Միջագետք, ուր փորագրության արվեստը, հենվելով հին ավանդիների վրա, ավելի զարգացավ և պարզ ձևերի կողքին հանդես եկան սուսվել բարդերը²⁷: II դ. սկզբից այդ տեխնիկան արագորեն տարածվում է հռոմեական կայսրության արևմտյան մարզերում և հասնում կատարելության:

Վաղարշապատի ափսեի զարդերը շատ են հանդիպում III դ. նույն եղանակով զարդարված անոթների վրա²⁸, Դրանք մեծ ընդհանրություններ են հանդես բերում Դուրա-էվրոպոսի²⁹ (որոնք թվագրվում են մինչև 256 թ.) և ընդհանրապես արևելյան ծագում ունեցող անոթների զարդերի հետ: Այս փաստը, ինչպես նաև խամրած ապակու նմանությունը Գառնիի III դ. թվագրվող հղկված ապակուն թույլ են տալիս Վաղարշապատի ափսեն համարել III դ. վերջի առաջորդանք:

Մեծ հետաքրքրություն են ներկայացնում հիշյալ դամբարանից գտնված և նույն ապակով պատրաստված, տարբեր չափերի միկանթանի չորս սափորիկները, որոնք վատ են պահպանվել: Սրանցից առաջինն տևի ձգված իրան, շեփորաձև պսակ, օղակաձև ոտք: Կանթը մի ծայրով կպած է շրթին, մյուսով հենված ուսին (տախտ. II₁): Երկու ծայրերն էլ ելուստավոր են, իսկ տրսից ունի միջնաշիղ (պսակի տրամ. 5,2 սմ, հատ. տրամ. 3,2 սմ): Վզի ցածի մասում խառը ձևով փաթաթված է ապակյա բարակ թել: Ուռուցիկ մասում կամթեղու եղանակով և ապակյա թելերով արված է երկու ալիքաձև գոտի, որոնք իրար կպած ծայրերի պատճառով ունեն անկանոն, ձվածիկ տեսք: Նույն ձևն ու տեսքն ունի նաև երկրորդ սափորիկը (տախտ. II₄, պսակի տրամ. 4,5 սմ): Երրորդը սրանցից տարբերվում է միայն վզին փաթաթված զարդերով, որոնք սկզբում են ուղղակի պսակի տակից (տախտ. II₂, պսակի տրամ. 5,8 սմ է): Չորրորդի հարդարանքը քիչ այլ է (տախտ. II₃): Սրա կանթը մի փոքր ավելի տափաղ է և երկու ծայրերը ավելի ձևավորված են, իսկ ապակու

²⁷ A. Von Saldern, Glass finds at Gordion, Journal of Glass Studies (*այսուհետև՝ JGS*), I, 1959, էջ 22—40; G. D. Weinberg, Hellenistic Glass Vessels from the Athenian Agora, Hesperia XXX, № 4, 1961, էջ 380—392; P. Hamelin, Cahiers de Bursa, II, 1952, էջ 24.

²⁸ Н. П. Сорокина, Стекланные сосуды из Танаиса («Древности нижнего Дона», М., 1965 рис. 4—7); Е. М. Алексеева, Т. М. Арсеньева, Стеклоделние Танаиса (СА, 1966, № 2, рис. 3); Н. П. Сорокина, Стекло из раскопок Пантикапея 1945—1959 гг. (МИА, № 103, М., 1962, рис. 16, 3); ее же, Стекланный сосуд из нижнего Поднепровья («Краткие сообщения Института археологии» (այսուհետև՝ КСИА), № 89, 1962, рис. 39, 40); В. Высотская, Поздние скифы в Юго-западном Крыму, Киев, 1972, рис. 41.

²⁹ Ch. W. Clairmont, նշվ. աշխ., նկ. 298—306.

թելը սպիրալաձև փաթաթած է պսակից մինչև հատակ (պսակի տրամ. 3,4 սմ, բարձր. 11,5 սմ):

Ապակե սափորիկների այս յուրօրինակ խմբի ուղղակի զուգահեռներ մեզ հայտնի չեն։ Սակայն ձևերի և զարդերի ընդհանրություններ ունեցող անոթներ հանդիպում են արևելյան արտադրանքում։ Պետական էրմիտաժում պահվող, մ. թ. IV դ. մի քանի անոթներ սրանց նման են իրենց զարդերով և շեփորաձև վզով (1820/1052, 1909/101), ձևով ու կանթով (1820/807, 1820/470, 1820/434) և այլն։ Ընդհանրապես թելերով հարդարելու եղանակը հայտնի է դեռևս մ. թ. I դ., սակայն դրանք պարուրաձև փաթաթված շատ պարզ ձևեր են։ II դ. սկսում են թելերով ավելի բազմազան ու բարդ զարդեր անել (գիգզադաձև, ալիքաձև, ցանցաձև, պարուրաձև և այլն)։ Այդպիսի մեկ և մի քանի գույնի թելերով հարդարված անոթներ հայտնաբերվել են ինչպես Հայաստանում³⁰, այնպես էլ անտիկ աշխարհի մյուս հնավայրերում։ Այս եղանակը կատարելության հասավ այսպես կոչված օձազարդ անոթներում, որոնց արտադրության հիմնական ժամանակը մ. թ. II դ. երկրորդ կեսից III դ. է։ Վաղալուսպատի սափորներից երեքը հարդարված են թելերով՝ զարդերի զուգորդմամբ։ Հատկապես ուռուցիկ մասի զարդը հանդես է գալիս շատ ավելի ուշ՝ III դ. երկրորդ կեսին, և տարածում է ստանում IV դ.։ Այդ եղանակով և նման զարդերով հարդարված սափորները թվագրվում են III դ.³¹ Հիշյալ սափորներն իրենց ձևերով պատկանում են անցումային շրջանին։ Այսինքն՝ նրանց ձգված տեսքը, օղակաձև ոտքը, կանթի ձևը, շեփորաձև վիզը բնորոշ են III—IV դդ.։ Հետևաբար, սափորների այս խումբը կարելի է համարել III դ. վերջի արտադրանք։

Չորրորդ սափորի պսակից մինչև հատակը փաթաթված զարդերը, ինչպես վերը նշեցինք, հայտնի են մ. թ. I դ., սակայն սափորի ձևը բնորոշ է ուշ անտիկ շրջանի ապակյա արտադրանքին։ Ձևով, կանթով և հարդարանքով ճիշտ այդպիսի միկանթանի սրվակ հայտնաբերվել է Վրաստանում (Մարթազիթից)³², ահա թվագրվում է II—III դդ.։ Ձևով և զարդերով III—IV դդ. պատկանող նման սափորներ հայտնի են մի շարք հնավայրերից³³։

Այսպիսով, չորրորդ սափորը ևս պատկանում է III դ. վերջին։ Ինչպես վերը նկատեցինք, և՛ սափորները, և՛ հղկած զարդերով ափսեն, պատրաստված են միևնույն ապակուց, ուստի, հնարավոր է, որ դրանք բոլորն էլ արտադրվել են նույն արհեստանոցում, հավանաբար III դ. վերջերին։ Վաղալուսպատի անոթների յուրօրինակությունը և զուգահեռների բացակայությունը թույլ են տալիս ենթադրելու, որ այդ անոթները պատրաստվել են կամ Արևմտյան Հայաստանի մեզ անհայտ ապակեգործական արհեստանոցում, կամ հենց Վա-

³⁰ «Հին Հայաստանի ապակին», № 85—89.

³¹ «Художественное стекло», Л., 1967, рис. 22.

³² М. Н. Сагинашвили, Погребение из Мартазы («Вестник» Гос. Музея Грузии. XXVII-В, Тбилиси, 1967, стр. 104, табл. II₅).

³³ М. М. Кобылина, Раскопки некрополя Тирнтажи в 1934 г. (МИА, № 4, М.—Л., 1941, стр. 84, рис. 123); Benkő Andrea, Régészeti Füzetek, Magyar Nemzeti Múzeum Förténeti Múzeum, 1962, տախ. XVI, 5; Kunisch Norbert, Neuerworbene Antike Gläser der Antikenabteilung der Staatlichen Museen Berlin. Archäologischer Anzeiger 1967, Heft 2, Berlin, 1967, № 24, 24; C. I. Isings, Roman Glass from Dated finds. Groningen, Djakarta, 1957; № 120 a; A. Kisa, Das Glas im Altertum, I, Leipzig, 1908, էջ 420, 427, № 38.

ղարշապատում, Դժբախտաբար, մինչ այժմ հայտնաբերված հնագիտական նյութերը գեռես հնարավորություն չեն ընձեռում ամբողջությամբ ուսումնասիրելու Վաղարշապատի ապակեգործությունը, որի գոյությունը և՛ գրավոր աղբյուրներով, և՛ հնագիտական նյութերով հաստատված է:

Այս առումով երկրորդ դամբարանի ապակյա անոթները նույնպես շատ ինքնատիպ են ու հետաքրքիր: Դրանցից ուշագրավ են ութանիստ շշերը, որոնք պատրաստված են կապտականաչավուն երանգի նուրբ, թափանցիկ ապակուց՝ կաղապարի մեջ փշելու եղանակով (տախտ. I₃, III₅): Կաղապարը լավ չմիացվելու հետևանքով շշերի կարը թեք է ստացվել, հետևաբար ութանկյան պատկերը ևս անհավասարաչափ է (1,7×1,4 սմ): Շշերի հատակին արված են անվաճե, ուռուցիկ զարդեր: Բնե նրանց բարձրությունները տարբեր են, բայց ապակու նույնությունը, կաղապարի մեջ փշված մասի հավասարությունը և պատերի նման խախտվածությունը թույլ են տալիս ենթադրելու, որ երկուսն էլ պատրաստված են միևնույն կաղապարով: Բարձրությունների տարբերությունը հետևանք է վզերի երկարության: Մեկի վիզն ավելի նեղ է ու երկար (բարձր. 13,6 սմ, հատակի տրամ. 3,74 սմ, պսակի տրամ. 2,6 սմ), պսակը, վարպետի անզգուշության հետևանքով, քիչ խեղաթյուրված, իսկ վիզը մի կողմի վրա թեքված: Մյուսի վիզը ավելի լայն է ու կարճ (բարձր. 11 սմ, հատակի տրամ. 3,7×4 սմ, պսակի տրամ. 3 սմ): Նրկուսի ապակիներն էլ պատած են սպիտակ իռիլացիայի հետքերով: Այս ութանկյուն սրվակների գույնահոնիրը նույնպես չեն գտնվել: Մեզ հայտնի սրվակները քառանիստ են կամ վեցանիստ, ինչպես Գառնիինը:

Ութանիստ միկանթանի շիշ գտնվել է Կուբանից, Գիլյաշ գետի վերին մասից, № 26 դամբարանից (IV—V դդ.): Սակայն վերջինս կրկնակի մեծ է (բարձր. 26 սմ) մեր շշերից, քիչ այլ ձևեր ունի, իսկ հատակին կա հունարեն արձանադրություն³⁴, Կարճ, շփոթաձև վզով, միկանթանի ութանկյուն շիշ պահվում է Պետական էրմիտաժում (176/1404), II—III դդ. տասներկու նիստ ունեցող միկանթանի շիշ հայտնաբերվել է Տոմիսում³⁵:

Ինչ վերաբերում է Վաղարշապատի շշերի հատակի ուռուցիկ, անվաճե զարդերին, ապա տարբեր հնավայրերից մեծ քանակությամբ հայտնի են քառանիստ և վեցանիստ, հատակին ուռուցիկ, շրջանաձև, վարդյակաձև և այլ տիպի զարդերով շշեր³⁶ (I—III դդ.), սակայն դրանց մեջ անվաճե զարդերով շշեր չկան: Անոթների հասակների երկրաչափական զարդերի նշանակությունը գեռես պարզված չէ: Ուսումնասիրողներից ոմանք ենթադրում են, որ դրանք վարպետի կամ արհեստանոցի տիրոջ նշաններն են, իսկ մյուսները համարում են առևտրական զրոշմանիշեր³⁷: Ինչ որ է, Վաղարշապատի շշերի հատակի

³⁴ Т. М. Минаева, Археологические памятники на Р. Гиляч, в верховьях Кубани (МИА, № 23. М.—Л., 1951, стр. 297, рис. 16).

³⁵ М. Bucovalea, Vase antice de sticlă la Tomis, Constanta, № 15 (Inv. 242).

³⁶ Н. П. Сорокина, Стеклённые сосуды из Танаиса, «Древности Нижнего Дона» (МИА, № 127, М., 1965, рис 12); Ch. W. Clairmont, The Glass Vessels, տախ. XIV, 600—615, XV, 618—646; Moren Jean, La Verrerie en Guale, Paris, 1913, 44, 45; Cl. Isings, Զշ. աշխ., №№ 50a-b, 51a-b; A. Kisa, Das Glas im Altertum, III, Leipzig. 1908, Formentafel E, №№ 264—270 և այլն:

³⁷ A. Kisa, Das Glas im Altertum, III, էջ 778; O. Vessberg, Roman Glass in Cyprus, „Opuscula Archaeologica“, VII, 1952, Lund, էջ 126; Cl. Isings, Roman Glass, էջ 64; Ch. W. Clairmont, Զշ. աշխ., էջ 131—137.

պատկերները ևս մեկով ավելացնում են այդ զարդերի թիվը, սակայն հնարավորություն չեն տալիս նշված հարցը պարզելու: Նշենք միայն, որ նման ունվածի զարդերը բնորոշ են Հայաստանի հելլենիստական շրջանի գունադարդ տափաշներին:

Վաղարշապատի շները թեև իրենց ութանիստ ձևով հեռանում են անտիկ ապսիդոս ավանդական ձևերից, սակայն մի շարք մանրամասներով (գլանաձև վիզ, դուրս ու ներս ծալված պսակ, հատուկի անվաճե զարդ) ամուր կապված են անտիկ ապակեգործության ավանդույթների հետ, ուստի դրանք ևս կարող են պատկանել III դ. վերջերին, նշված առանձնահատկությունները թույլ են տալիս ենթադրելու, որ դրանք պատրաստվել են Հայաստանում, հնարավոր է Արտաշատում կամ Վաղարշապատում: Հայտնի է, որ կապտա-կանաչավունը I—III դդ. տեղական ապսիդոս ամենատարածված գույներն էին:

Նույն սարկոֆագից գտնված սրվակներից հաջորդը քիչ սեղմված, տանձաձև տեսք ունի: Պատրաստված է ազատ փշելու եղանակով՝ թափանցիկ, գրեթե անգույն ապակուց (տախտ. I₆, III₃): Հատակը թեթևակի ներճկված է, վիզը գլանաձև, դուրս ու ներս ծալված պսակով: Մակերեսը պատած է մանուշակագույն, սպիտակավուն խիզաքիայի ծածկույթով (բարձր. 7,4 սմ, պսակի սրամ. 2,2 սմ, հատակի տրամ. 3 սմ):

Տանձաձև սրվակները զալիս են դեռևս մ. թ. I դ. և հարատևում են վաղ միջնադարում: Տարբեր չափերի նման սրվակներ հայտնաբերվել են Սիրիայում, Հռոմսի մ. թ. II—III դդ. հռոմեական դամբարաններից³⁸, Վաղարշապատի սրվակը իր որոշ առանձնահատկություններով կապված է անտիկ ձևերի հետ և կարող է պատկանել III դ. երկրորդ կեսին:

Ուշագրավ են նաև երկու փոքրիկ նուրբ սրվակները: Սրանցից մեկը պատրաստված է բաց կանաչավուն ապակուց, ազատ փշելու եղանակով, քիչ սեղմված գնդի տեսքով սրվակը ունի կարճ վիզ, դեպի դուրս լայնացող ծալված պսակ, ներճկված հատակ և երկու բարակ ձևավոր կանթ (տախտ. I₅, III₄, բարձր. 4,8 սմ, պսակի տրամ. 3,6 սմ, հատակի տրամ. 3 սմ): Մակերեսը պատած է կաթնավուն խիզաքիայի հետքերով: Այս սրվակը ևս կանոնավոր ձևեր չունի և պատրաստված է բավական անփույթ: Այն հիշեցնում է I—III դդ. կանոնավոր, գնդաձև, երկկանթանի ավելի մեծ չափերի անոթները, սակայն իր որոշ ձևերով զիջում է նրանց դասական կառուցվածքին: Երկկանթանի այս անոթը, անշուշտ, անփորձ վարպետի ստեղծագործություն է: Հեռավոր նմանություն ունեցող այդպիսի սրվակները պատկանում են III—IV դդ.³⁹: Նման կանթերով այդպիսի մի անոթի բեկոր թվագրվում է II—III դդ.⁴⁰, Վերը բերված հատկանիշներն ու զուգահեռները թույլ են տալիս Վաղարշապատի երկկանթանի սրվակը ևս թվագրելու III դ. վերջով:

Բաց կանաչավուն ապակուց է պատրաստված նաև գլ. ձև իրանով, հարթ հատակով, կարճ լայն վզով, լայնաբերան սրվակը: Այն ունի դուրս ու

³⁸ Sellin Abdul Hak, Contribution d'une découverte Archéologique Récente, Al'Etude de Verrerie Syrienne A'E'poque Romaine, JGS, VII. 1965, էջ 26, 27, նկ. 48.

³⁹ Edith Spartz, Antike Gläser, Kasel, 1967, տախտ. 37, № 65; Peter La Baume, Glas der antiken Welt, I, Köln, տախտ. 201, 9; Jorgu Stolian, Tomitana, Contribuții Epigrafice la istoria cetății Tomis, Editura academiei Republicii Populare Române, 1962, fig. 4.

⁴⁰ D. B. Harden and Jennifer Price, The Glass, Excavations at Fishbourne, 1961—1969, Society of antiquaries of London, № XXVII, 1971, նկ. 82.

ներս ծալված պսակ, որը տաք վիճակում ծոմովել է (տախտ. I₄, III₉): Սրվակի մակերեսը պատած է կաթնավուն իռիզացիայի շերտով (բարձր. 4,2 սմ, պսակի տրամ. 3,2 սմ): Ի տարբերություն նախորդների, այս սրվակն իր գուգահեռներն ունի արևելյան, սիրիական և կիպրոսի կենտրոններից⁴¹ գտնված III—IV դդ. ապակյա անոթների հետ, հետևաբար այս սրվակը ևս կարող է պատկանել III դ. վերջին:

Վաղարշապատի կավե սարկոֆագներից հայտնարեւած ապակյա անոթները մեծ հետաքրքրություն են ներկայացնում ինչպես Հայաստանի, այնպես էլ ուշ անտիկ շրջանի ապակեգործության ուսումնասիրության համար: Դրանք իրենց նոր, ինքնատիպ ձևերով հարստացնում են Հայաստանի և անտիկ աշխարհի ապակեգործության նմուշները, բացահայտում տեխնիկական հնարների հետագա զարգացումն ու շարունակումը: Վաղարշապատի կավե սարկոֆագների ապակին կապված է անտիկ ապակու ավազների հետ:

Այսպիսով, Հայաստանի մ. թ. I դ. մշակույթի ուսումնասիրությունը, որն սկսվել է Գառնիի և հաջորդությամբ շարունակվում է Արտաշատի պեղումներով, սվևի ըազմակողմանի դարձնելու համար հույժ կարևոր են Վաղարշապատի քաղաքային մասի և դամբարանադաշտի պեղումները: Վաղարշապատը լինելով Հայաստանի անտիկ շրջանի մայրաքաղաք, եղել է նաև մշակույթի և արհեստագործության կարևոր կենտրոններից մեկը: Ուստի, այնտեղի պեղումները հնարավորություն կտան լուծելու քաղաքաշինության, հոգևոր ու նյութական մշակույթի հետ կապված մի շարք հարցեր: Ամենայն հավանականությամբ, Վաղարշապատը հանդիսացել է նաև III—IV դդ. Հայաստանի ապակեղենի արտադրության կարևոր օջախներից մեկը:

МАТЕРИАЛЫ ИЗ СЕВЕРО-ВОСТОЧНОГО НЕКРОПОЛЯ ВАГАРШАПАТА

Ж. Д. ХАЧАТРЯН, Р. М. ТОРОСЯН

Резюме

Летом 1974 г. в совхозе Звартноц, у фермы, во время строительных работ на глубине 80—110 см от поверхности земли были найдены погребения—каменный ящик, кувшинное погребение и глиняные саркофаги длиной от 160 до 192 см. Саркофаги закрывались тремя глиняными досками, затем покрывались слоем земли (толщ. 5 см) и туфовыми плитами.

В первом саркофаге найдены молочно-матового цвета кувшинчики, маленькая тарелка со шлифованными украшениями. Во втором саркофаге обнаружены восьмигранные бутылочки, амфориск, маленький колбовидный сосуд и др. Прямые аналогии стекла нам не известны, но новонайденные стеклянные изделия из Вагаршапата представляют большой интерес для изучения античного стеклоделия вообще и армянского—в частности. Глиняные саркофаги датируются концом III в.

⁴¹ Sellim Abdul Hak, *Նշվ. աշխ.*, № 4; D. B. Harden, *The Glass, Report of the Department of antiquities Cyprus 1940—1948*, Nicosia, 1958, № 22 g; Edith Spartz, *Նշվ. աշխ.*, տախտ. 35, № 146.